

續修湯陰縣志

原序

畫之義何昉乎自漢班固
志地理後人踵事增華方
域之內凡地理星野建置
沿革則壤貢賦城郭宮室

與夫山川之形勝物土之
相宜風俗之醇漓以及官
師古蹟忠臣孝子名人貞
婦瑞應災異靡不筆而存
之以示不忘雖郡乘邑載

所志各殊其義一也然溯
其創造源本六經易言傳
以觀於天文俯以察於地
理又曰天垂象見吉凶聖
人象之志天文星野也刪

書始唐虞而終秦誓志建
置沿革也肇十有二州封
十有二山濬川志山川也
禹貢定田九則立賦九等
各以其方物而貢之天子

志則壤貢賦也選卜維良
宅是鎬京夏四月城中丘
之類志城郭官室也周官
三百六十其史胥等若而
人志官師也詩採十五國

之風禮載鄉飲蜡祭志風
俗也豈不懷歸畏此簡書
下至蓼莪栢舟考槃諸什
志勞臣孝子貞婦隱君子
也鳳凰來儀百獸率舞志

瑞應也春秋二百四十二年之間書日食三十六地

震五山林崩二夜常星不

見夜中星隕如雨一李梅

冬實七月霜降八月殺菽

志灾異也嗣是網羅舊文
徵信當世俾後之覽者觀
感興起憂勤惕厲安在風
土之記方輿之書無裨於
世道人心也哉我

皇上御極以來車書一統荒
服之外重譯來朝萬幾之
暇

詔儒臣修一統志蒐訪舊編
諏諮掌故行將告成昭垂

萬禩戊辰之夏

大中丞閻公奉

天子命來撫是邦時歲比不

登民生幾頓

公拊循而蘊隆之繪圖入

台請蠲請賑

可其奏民賴以安越庚

午政成慨郡邑乘志率多

殘闕公憮然曰洛居天

下之中形勝文物甲於他

省在昔賢人君子項背相望
乃豫省全志未之修輯
者三十年矣此三十年之
蒸黎皆賴我

皇上坐蒸教養今戶口日增

土田日闢文教聿興民德
歸厚若不乘時講求非所
以丕揚

聖化昭示來茲也于是延訪
宿老援據史乘金鏡未墜

珠囊重理聖有典謨文不
在茲天地之心稽古右文
之運也復檄下執事專修
一邑之書頒示凡例規條
井井光貴承乏下邑敢不

黽勉從事爰考湯陰舊志
自崔文敏公按訂後一修
於順治己亥迄今三十餘
年罔有舉其廢軼者而貴
於史學勿鮮師訓長乏專

工使之採集遺聞方隅自
命鮮不望洋而返向若而
嘆矣謹涓吉辰禮請耆碩
其纂修凡例一如

公指繁者芟之疑者闕之